

Date – 07/11/2024

Time - 18:30 -18:40Hrs

## REGIONAL NEWS BULLETIN

### HEADLINES (EVENING)

1. **Larsap Dr Hari Babu Kambhapati an Mizoramah ruihhlo leh a kaihhnawih a hluar nasa hle tih sawiin mi tin te ruihhlo do kawngah tanrual a ngai a ti.**
2. **National Commission for Scheduled Tribes Member Pu Nirupam Chakma an Tribal tana hamthatna hrang hrang sawrkar laipuiin a ruahman chang thei turin mipuite hrilhhriat kawngah tan lak thar a ngai a ti.**
3. **Union Home Minister Amit Shah-a chuan sawrkarin hun reiloteah firfiakte do turin National Counter Terrorism Policy and Strategy a nei dawn a ti.**
4. **Prime Minister Narendra Modia chuan One Nation One Rank (OROP) pension scheme hman chu sawrkar thutlukna pawimawh berte zinga mi a ni a ti.**

<><><>

### NASHA MukT BHARAT ABHIYAN

Larsap Dr Hari Babu Kambhapati an Mizoramah ruihhlo leh a kaihhnawih a hluar nasa hle tih sawiin mi tin te ruihhlo do kawngah tanrual a ngai a ti.

Ruihhlo leh a kaihhnawih hrang hrang laka India ram a fihlim theihna tura sawrkar laipui Ministry of Social Justice & Empowerment leh Brahma Kumaris tangkawp hnuai hmalakna Nasha MukT Bharat Abhiyan hawna hun a hmanpui na ah he thu hi sawiin Larsap chuan Mizoram chu hmun nuam leh ralmuang anih bakah nunphung mawi tak lantirna hmun anih laia ruihhlo in nasa taka bu a khuar chu paw atih thu sawiin nasa taka tan lak a ngai a ti a, thalai leh zirlaite ah nasa zawka tan lak a ngai zual tih sawiin a thatlohzia hrilhriat kawngah mi tin te tanrual a pawimawh tih a sawi.

Larsap chuan sawrkarin Nasha MukT Bharat Abhiyaan kaltlangin hmalakna tam tak a nei tawh a ti a, Kohhran leh tlawmngai pawl te pawhin tha thlahlo in hma an la thin tih sawiin hengah hian mipui thlawpna an mamawh hle a ti a, nasa zawka hmalak a ngai tih sawiin mi tin te ram tana ke pen theuh turin a sawm a ni.

Larsap chuan kawng hrang hrangah ram pum huapa thalap chhuanawm Mizoramah tam tak an awm a ti a, Mizoram chu boruak nuam tak leh hmun ralmuang tak a nihna duhtawk mai loa ruihhlo awm lohna hmun ni thei turin mi tin te mahni hma zawn theuh ah theihtawp chhuah turin a sawm a ni.

<><><>

### SEC MEETING

State Election Commissioner, Dr.H. Lalthlanglana hovin vawiin khan District hrang hrang Bawrhsap leh Election Officer te'n Village Council leh Local Council Electoral Roll ennawn tur chungchang video conference hmangin an sawi ho a.

Nakum, 2025 hi Village Council leh Local Council inthlan kum anih avangin, inthlanna hman theih tur Electoral Roll felfai tak siam nise an ti a, State Election Commission in Electoral Roll siamna atana ruahhmanna alo siam angin, a hun taka Electoral Roll peih fel vek nise an ti.

State Election Commission-in Village Council leh Local Council Electoral Roll, 2025 siam tura a ruahhman dan chuan tunthla ni 22 ah Draft Electoral Roll an tlangzarh anga Final Electoral Roll chu nakum January ni 8 ah tlangzarh tur a ni ang.

<><><>

NCST MEMBER

National Commission for Scheduled Tribes (NCST) Member Pu Nirupam Chakma an Tribal tana hamthatna hrang hrang sawrkar laipuiin a ruahman chang thei turin mipuite hrilhhriat kawngah tan lak thar a ngai a ti.

He thu hi Akashvani palai nen an inkawmna ah sawiin Pu Nirupam Chakma chuan Mizoram chu a nawlpuiin Scheduled Tribe an ni a ti a, sawrkar laipuiiah Tribal tana hamthatna hrang hrang awm chu an hman tangkai theih nan hmalak a ngai tih sawiin mipui hriselna, eizawna kawngah leh zirna kawnga hma an sawn theih nan sawrkar laipui atangin tanpuina tam tak a awm thei tih sawiin state sawrkar pawhin bawhzui chak a ngai a ti a, kut themthiam kawnga eizawna bultan kawngah sawrkar laipui atangin tanpuina awm thei ang ngaihtuah a ngai tih a sawi bawk.

Pu Nirupam Chakma hian nimin khan Social Welfare, Tribal Affairs and Women & Child Development Department hotute leh Department-a thawk dangte kawmin NCST Full Commission in nakum January thla tawp lamah Mizoram an tlawh tum thu sawiin hemi atan a tul tul ruahmanna te lo siam turin a chah a, NCST chu India Danpui hnuaiia Scheduled Tribes te an dikna leh chanvo an dawn tur leh hengte humhalha enzui turte leh kawng hrang hranga an hmasawna chungchanga Sawrkar Laipui thurawn petu atan din a nih thu sawiin NCST chuan heng bakah hian ST te chung a tihduhdahna emaw hleilenna emaw a thlena palha NCST thuneihna chunchangte pawh a sawilang a. NCST Full Commission chuan nakum January thla tawp lamah Mizoram an tlawh duh thu sawiin hemi chungchanga ruahmanna te chu uluk taka siam nise tiin a duh thu a sawi a ni.

Meeting a tel Department a thawkte chuan tribal tana hamthatna hrang hrang an kalpui mekah an harsatna tawh, an duh khawp lohna leh rawtna an nei te an sawi lang a. Chungte chu ziaka NCST lamah thlen turin Pu Nirupam Chakma chuan Department te chu thurawn a pe a ni.

Pu Nirupam Chakma hian vawiin hian Kamalanagar a tlawh a, NCST member anih hnu a tlawh hmasakna ber a nih avangin CADC chuan a hmuahna ropui tak an buatsaih sak a ni.

Pu Nuripam chuan NSCT team hian nakum January thlaa Mizoram an tlawh hun tur atana a inbuatsaih nan tun tumah hian Mizoram rawn tlawh anih thu a sawi a, mipuite chu an harsatna leh vuivaina te a hnena thlen tura chahin a ngaihtuahthei thuneitute hnenah a thlen chhawng ve leh dawn a ni a ti.

Pu Nirupam Chakma hian naktukah NGO, civil society leh Village Council aiawhte a kawm anga, chawhnu lamah Chawngte Sub Division hotute, CEM, Chaiman leh MDC te a kawm bawk ang.

<><><>

MZP

Mizo Zirlai Pawl General Headquarters Executive Committee Meeting, an pawl presidentr Pu H. Lalthianghlina kaihruai a neih chuan Mizoram sawrkar-in Tribal Scholarship tur October ni 16 a a dawn tawh, tun thlenga sem la ni lo chu na zawka nawr ni se an ti a, Tun thla ni 18 ral hma ngei a sem an duh tih an sawi a, hei bakah hian Mizoram zirnain hma a sawn theih nan, Directorate of School Education hi Elementary leh Secondary-ah then anih theih nan hma lak ni se an ti a, Zofa hmun hrang hranga awm te'n, inpumkhatna nghet zawk an neih theih nan MZP-in hma la chhunzawm zel rawh se tih te, Mizoram chhunga inkal pawhna kawngpui sialtu, NHIDCL ten tha zawka hna an thawh theih nan hma lak te, Mizoram Schedule Tribe List ennawn a nih theih nan hmalak te, Sawrkar hnathawk mahni nihna in a ken tel aia tam, hamthatna la leh hmang te sawrkarin a tih tawp theih nan hmalak te an rel a ni.

Mizo Zirlai Pawl Headquarters:Lunglei chuan thuchhuah siamin Lunglei District huam chhunga zirtirtu indaihlohna Education Minister hnena August thlaa an thlen tawh tun thlenga thuneitute lam aṅanga chhanna leh hmalakna awm lo chu hriatthiam a har an ti tih an sawi a. A ṅul dan anga hmalak chhunzawm nise an ti.

Zirtirtu indaihlohna sut kian anih theih nan a tawp thleng a tha thlah lova beih zel nise tiin Lunglei District huam chhunga hrisel lohna vang ni lova zirtirtu ai kal la an awm leh awm loh zir chianga hmalak an tum tih an tarlang.

<><><>

KHAWZAWL POLICE

Khawzawl Police te chuan vawiin khan KVK Khawzawl Incinerator-ah ruihhlo cheng vbc 15 chuang hu an halral.

Khawzawl Police te hian vawiin khan Khawzawl SP Pu Lalchhuanthanga kaihruaina hnuaiyah ruihhlo in an halral a, he hun hi Police leh Excise Department aiawhte, SDO Sadar leh Khawzawl khawchhunga NGO aiawh te leh VC aiawh ten an telpui a. Vawiina ruihhlo an halral hi Methamphetamine Kg.119.55 leh Heroin No.4 gram 244 a ni a, ruihhlo an halral zawng zawng hi cheng vbc 15 nuai 60 sing 4 & 2,000/- man hu nia chhut a ni.

Tun tuma Methamphetamine halral hi July ni 21 a Khawzawl Police te man niin tumkhat a Mizoram a Methamphetamine man tam ber nia hriat a ni a. Meth halral tak hi a vaiin mum nuai 10 sing 7 & 600 vel a ni.

<><><>

HORTICULTURE MINISTER

Horticulture Minister Prof Lalnilawman vawiin khan Thenzawla Lamlian Dung Zau Dragon Fruit Hmun a tlawh a.

Prof Lalnilawma chuan Lamlian Dung Zaua huan neitute thawhrimzia leh an hmasawna te chhuanawm a tih thu a sawi a. Kuthnathawktute tana hmalak chu sawrkar au hla a ni a, theihtawp chhuah a kuthnathawktute tana tan lak zel an tum thu a sawi a ni. Food processing lama an hmachhawp sawiin Horticulture Minister chuan dragon fruit sawngbawl dan tur an zawn mek thu leh a powder ang zawnga siam an rilruk thu a sawi a. A sawngbawlina hmun tur

din an tum thu leh an ruahhmanna thenkhat te a tarlang a ni. Sawrkar chuan Zau (cluster) ang zawnga hmalak zel an tum thu leh, Lamlian Dung Zau ah pawh sawrkar department hrang hrang te nen tangho a hnathawh an tum dan a sawi a. Mizoram hmun dangah te pawh farmer ten a tak taka hlawhtlinna an neih theih nan Zau dangah pawh hmalak zel an tum thu a sawi a ni. Prof Lalnilawma chuan Lamlian Dung Zau neitute hmahlir leh hmachhawp te tha a tih thu sawiin Tourist Destination tha tak a nih a beiseiawm thu a sawi bawk a ni.

Lamlian Dung Zau Dragon Fruit Hmunah hian kumin chhung khan chhungkaw 48 in dragon fruit quintal 557 an tharchhuak a. A thar chhuak hnem ber Pi Gaby Zosangpuii chuan quintal 21 a thar chhuak a, a rah hi thla 5 chhungin tum 9 a seng hman a ni. Heng chhungkaw 48, society a tel te hian Local Soda Pvt Ltd te nen inremna thuthlung ziakin an tharchhuah te hi an loh ah kal chilhin an leisak thin a ni.

<><><>

#### AIR NEWS ON SOCIALMEWDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

<><><>

#### UNION HM

Union Home Minister Amit Shah-a chuan sawrkarin hun reiloteah firfiakte do turin National Counter Terrorism Policy and Strategy a nei dawn a ti.

Ni hnih awh Natnial Investigation Agency NIA buatsaih Anti-Terror Conference, New Delhi-a neihah he thu hi sawiin Pu Shah-a chuan kum 10 kalta chhung khan Prime Minister Narendra Modia'n hruaitu hna a chelh hnuah sawrkar chuan firfiakte lakah chak takin hma a la a ti a. Kum 2014 atanga 2021 inkar chhungin firfiaka chetna chu ramchhungah zaa 70 in a tlahniam a ti bawk.

<><><>

#### SPAIN FLOOD

Spain-ah tuilian avangin mi 217 an thi tawh. Spain chhak lam tuilian avang hian mi 89 chin hriat lohin an la awm mek a. Spain sawrkar chuan nimin khan sipai 7987 ten tuilenna hmunah hian theihtawp chhuahin chhanchhuah hna an thawk a ti a. Lirthei 1639, helicopter 12 leh lawng 18 hmangin hna an thawk a. Sipaite hi National Police leh Civil Gaurd 5000 chuanguin an pui a. Spain Prime Minister Pedro Sanchez chuan tuilian tuarte chhawmdawl nan hian Euro tluklehdngawn 10.6 pekchhuah a ni a ti.

<><><>

#### PM ON OROP

Prime Minister Narendra Modia chuan One Nation One Rank (OROP) pension scheme hman chu sawrkar thutlukna pawimawh berte zinga mi a ni a ti. He scheme hian kum 10 tling tawhin PM Modia chuan hun rei tak ata tawh ram tana inpe sipai bangte beiseina tih hlawhtlinna a ni a ti a. Social Media-ah

heng thu hi tarlangin Pu Modia chuan ram venhimna tura huaisen taka ding leh inpe te zahna lantir nan he hmalakna hi kalpui anih thu Pu Modia chuan a sawi a. Kum 10 kalta chung khan pensioner leh an chungte nuai chuangin he scheme hi an hlawkpui a ti a. OROP chu sawrkarin sipaite hamthatna tura theihtawp a chhuah zia tichiangtu a ni a ti bawk.

<><><>